



**MEMORIA PARA A SINATURA DE CONVENIO DE COLABORACIÓN ENTRE A AXENCIA GALEGA DE DESENVOLVEMENTO RURAL (AGADER) E O CONCELLO DE PADRÓN PARA A MELLORA DUNHA INFRAESTRUTURA RURAL ORIENTADAS A MELLORA DA CALIDADE DE VIDA DA POBOACIÓN, DENOMINADA: PAVIMENTACIÓN E DOTACIÓN DE MOBILIARIO NO RECINTO FEIRAL DE HERBÓN**

Agader é un ente público da Xunta de Galicia que promove e coordina o desenvolvemento rural en Galicia. Este desenvolvemento ten como finalidade mellorar a calidade e as condicións de vida dos habitantes do medio rural, e contribuír á cohesión do territorio galego.

As funcións de Agader previstas nos seus comezos aparecen recollidas na Lei 5/2000, do 28 de decembro. Posteriormente modificáronse polo artigo 2º da Lei 12/2008, do 3 de decembro, pola que se modifica a Lei 7/1996 e a Lei 5/2000 (DOG núm. 244, do 17 de decembro), e polo apartado dous da disposición derradeira da Lei 15/2010, do 28 de decembro, de medidas fiscais e administrativas (DOG núm. 250, do 30 de decembro).

De conformidade co disposto na citada Lei 5/2000, do 28 de decembro, entre as funcións da axencia están:

- Promover e incentiva-la cooperación entre os axentes públicos e privados nos que as súas actuacións incidan directa ou indirectamente no desenvolvemento das zonas rurais.

Agader quere acometer a posta en marcha de proxectos singulares que poidan afectar a elementos do ámbito da mellora da calidade de vida da poboación que farán do medio rural un lugar mais atractivo e polo tanto favorecerán a fixación da poboación no campo galego e mesmo do tecido produtivo, ao ser estas actuacións interesantes dende o punto de vista de posibilitar o acceso a servizos socioculturais.

Agader pretende colaborar na posta en valor e no desenvolvemento de infraestruturas de cultura, ocio e sociabilización entre os veciños, que para o rural debe de ser sen dúbida uns dos alicerces nos cales se deben soster as políticas de fixación de poboación durante os vindeiros anos.





Con este convenio asegurámonos de ter, dentro das nosas posibilidades, os espazos necesarios para que poidan desenvolverse actividades que favorezan a mellora da calidade de vida da poboación do rural galego.

Agader ten especial interese no acondicionamento e/ou creación de infraestruturas socioculturais orientadas a ofertar unha maior gama de servizos a poboación. Nos proxectos obxecto de intervención desenvolveranse un amplo programa de difusión, orientado a transformación da realidade social do concello que ao tratarse dun concello rural, coa realización do mesmo, garante que os veciños poidan acceder a mesma oferta de lecer, social ou cultural que os habitantes dos entornos urbanos.

A colaboración decídese en base a criterios obxectivos tales como a poboación beneficiaria deste tipo de infraestruturas, a singularidade e excepcionalidade do elemento a tratar, implicación por parte da entidade no desenvolvemento de actividades de difusión, remate e acondicionamento de infraestruturas existentes, necesidade da urxencia para as actuacións de conservación, dispor dos medios económicos e técnicos precisos para facer fronte á inversión destas características.

Nos proxectos obxecto de intervención desenvolveranse un amplo programa de difusión, orientado a transformación da realidade social do concello que ao tratarse dun concello rural, coa realización do mesmo, garante que os veciños poidan disfrutar dunha gama de servizos e infraestruturas de lecer ou que incidan na sociabilización dos mesmos co fin de crear un entorno rural axeitado para fixar poboación..

A actuacións que se levarían a cabo serían as seguintes:

- Pavimentación da explanada superior do recinto e do camiño de acceso existente entre explanadas superior e inferior.
- Execución dun sendeiro natural en zahorra
- Mellora do mobiliario urbano do recinto e instalación de bancos e mesas graníticas
- Embelecemento con zahorra artificial dos conxuntos de mobiliario

Instalación dunha varanda de seguridade para peóns.





## **Lei 9/2007, do 13 de xuño, de subvencións de Galicia**

De acordo co artigo 26 da Lei de Subvencións non é posible promover a concorrência pública para a realización desta actuación e a colaboración decídese en base a criterios obxectivos tales como a poboación beneficiaria deste tipo de infraestruturas, a singularidade e excepcionalidade do elemento a tratar, implicación por parte da entidade no desenvolvemento de actividades de difusión, remate e acondicionamento de infraestruturas existentes, necesidade da urxencia para as actuacións de conservación, dispor dos medios económicos e técnicos precisos para facer fronte á inversión destas características.

O proxectos que se pretender levar a cabo trala sinatura deste convenio ten circunstancias que o fan singular dende o punto de vista dos termos que se regulan no artigo 26 da lei de subvencións de Galicia, tanto no ámbito do interese público, social e/ou económico e ademais xustificase de xeito claro a dificultade da súa convocatoria pública.

### **Proxecto que se propón conveniar:**

#### **PAVIMENTACIÓN E DOTACIÓN DE MOBILIARIO NO RECINTO FEIRAL DE HERBÓN**

O recinto feiral de Herbón sito no Concello de Padrón é un lugar pensado e executado coa prioridade principal de dar o pemento de Herbón (IXP) un lugar de promoción e venta que permita crear sinerxías económicas entre produtores, compradores e tamén visitantes que se achegan esta localidade intimamente vencellada ao turismo que xera o Camiño de Santiago.

O inicio do cultivo do pemento en Galicia asóciase ás sementes traídas desde o estado mexicano de Tabasco polos monxes Franciscanos ao convento de Herbón, localidade pertencente ao municipio de Padrón, no Século XVII.

O pemento seco e moído xa se comercializaba en Herbón a finais do século XVIII, constituíndo unha importante fonte de ingresos, (Arquivo Xeral de Simancas. Catastro da Ensenada. Respostas Xerais. Provincia de Santiago. Libro 253, folio 1). O proceso de selección varietal e as prácticas culturais de recolección precoz comezan entón, transmitíndose desde a comunidade monacal aos agricultores da súa área de influencia, conformando un sistema de produción altamente especializado, no que a semente era transmitida como ben parafernall (formando





parte da dote) e nunca fóra da zona de produción.

Esta referencia historia, a especificidade da especie e as características da mesma dan lugar a creación dunha IXP e a creación do Consello Regulador da Denominación de Orixe Protexida "Pemento de Herbón", unha corporación de dereito público á cal se atribúe a xestión da Denominación coas funcións que determina a Lei 2/2005, do 18 de febreiro, de promoción e defensa da calidade alimentaria galega; o Decreto 4/2007, do 18 de xaneiro, polo que se regulan as denominacións xeográficas de calidade do sector alimentario e os seus consellos reguladores.

Un produto tan localizado ten uns canais típicos de comercialización entre os que destacan as feiras e venta en proximidade.

Os pementos comercializados baixo o amparo da Denominación de Orixe Protexida "Pemento de Herbón", levan a etiqueta comercial correspondente á marca propia de cada produtor/envasador e unha etiqueta de codificación alfanumérica con numeración correlativa, autorizada polo órgano de control, co logotipo da Denominación de Orixe Protexida.

Na etiqueta comercial debe figurar obrigatoriamente a mención Denominación de Orixe Protexida "Pemento de Herbón". Así como a variedade da planta "variedade Padrón". Actualmente figuran inscritas no Consello Regulador sete plantas de envasado.

O período de comercialización está comprendido entre **o 1 de maio e o 31 de outubro**, podendo modificarse este período por razón das circunstancias climáticas da tempada e as características do produto se así o aconsellan. Entendese polo tanto que é unha comercialización longa en tempo xa que se circunscribe a medio ano co cal ten todo o sentido que os produtores contan cun espazo físico para a súa comercialización.

Actualmente figuran inscritas no Consello Regulador sete plantas de envasado que poderían empregar ese recinto feiral de xeito habitual e mais aló da celebración da Festa do Pemento como gran evento promocional do mesmo.

O recinto garante particularidade xa que nel se levanta un edificio pechado para recepción, con gradas e unha zona de escenario pensado para desenvolver accións promocionais do produto. Hai dous edificios rústicos reservados para eventos de hostaleira orientados a degustación do produto e casetas de madeira para venta do mesmo, e zonas que se poden destinar a plantacións demostrativas.





Estamos polo tanto ante un recinto feiral senlleiro, o único coñecido que está basicamente orientado a posta en valor dun produto, aproveitando o entorno natural para crear un punto de venta e promoción, mesturando ocio e economía.

Nesta actuación expostas cabe indicar da inexistencia de axudas públicas para traballos que se poden considerar de mantemento e mellora de recintos feirais xa que as mesmas soen estar orientadas a “obra nova e nova construción”. De feito e a modo de exemplo cabe mencionar as axudas de fondos europeos (FEADER), cuxa principal condición normativa é precisamente que non sexan traballos de conservación.

**O potencial da economía baseada nos comercio de proximidade desta variedade con IXP propia verase reforzado polo tanto por esta actuación que xunto co plan de difusión que os Concellos e propia Xunta de Galicia levará a cabo na promoción de ditos elementos converteranos nun lugar de visita obrigada de produtores de comercio en canal curto e de potenciais compradores do pimento de herbón co cal se potenciará o produto e derivado deste o propio Concello de Padrón.**

Santiago de Compostela,

O director xeral de Agader

Miguel Ángel Pérez Dubois

